

N. 37.
DE
THEOPHANE CERA

DISPUTATIO

QVAM

PRAESIDE

CHRISTIANO FRIDERICO M

PHILOSOPH. DOCT. GRAEC. LITT. PROF. PVBL. ORD

IMPERIAL. ROSS. ASSESS. ACADEM. ELECTORAL. MO

YTHILIVM SOCIETAT. LIBERAE ROSS. VNIVERSIT. M

PRINCIPALIS HASSIACAE ET LATINAE IENENS

VNIVERSITATISQVE CAESAR. MOSQV

CORRESPONDENTE

HOC TEMPORE

ACADEMIAE VITEMBERGENSIS R

DIE VI. CALEND. OCTOBR. A. R. S. CIOI

H. L. Q. C.

DEFENDET

AVCTOR

CAROLVS CHRISTIANVS ERNESTVS

AA. LL. M.

PARS I. DE THEOPHANE INTERP

VITEMBERGAE

LITERIS CAROLI CHRISTIANI

ERAMICO

IO

E

CO MATTHAEI

PVBL. ORD. COLLEGIORVM

MORAL. MOGVNT. SCIENT.

VIVERSIT. MOSQ. ACAD.

ME. IENENSIS. SOCIO.

R. MOSQVENS.

TE

ENSIS RECTORE

. S. MDCCCLXXXII

T

ESTVS CHARITIVS

INTERPRETE.

E

IANI DÜRRIL.


BT 128

.M38

1792

c.1

Rare



uanquam consentientibus plurimorum constat suffragiis, scriptores, qui prioribus inter Christianos floruerunt seculis, habere cognitos, accuratam rerum theologicarum scientiam appetenti, perquam esse utile et necessarium: tamen, quos posterioris aevi protulerunt tempora, ne hos quidem plane esse negligendos, existimantium magna est paucitas. Recte vero horum etiam aliquam haberi curam, negari non potest ab eo, qui perpenderit utilitatem, ex cognita per libros eorum, aetatis, qua sunt compositi, indole redundantem. Si Graeca sunt, quae legimus, eo agitur nobiscum melius. In eis enim fere omnibus, quod de paucis Latine scriptis praedicare licet, eam inuenimus orationis elegantiam suauitatemque, quae si nihil aliud, nos sola attraxerit, attractosque haud retinuerit inuitos. Fatendum quidem est, Graecam etiam orationem multum amisisse seculorum decursu virilis illius roboris, quo olim scripta animum lectorum etiamnum potenter feriunt: plurimum tamen eandem nihilo minus retinuisse antiqui decoris, eamque ob causam, uti prisco, ita recenti tempore Graeciam Latio priorem esse censendam. Sed ne diutius lectorum ipso in limine experiamur patientiam, nominandus statim est, cuius causa haec instituitur disputatio. Scilicet induximus in animum, opportu-



na hac, quae nobis se obtulit, scribendi occasione vti ad exponendam pro ingenii facultate nostram de *Theophane Ceramico* sententiam, qui seculo duodecimo; in Sicilia regnante Rogerio, ecclesiae Tauromenitanae fuit Archiepiscopus, et, seruatis, fauente fortuna, LXII quas scripsit homiliis, celebre ad posteritatem transmisit nomen.^{a)} Quod si vituperariint seueri harum rerum censores, tanquam a tirocinio ineuntis aetatis alienum: laudabunt certe animum, rationibus negotio illi suscipiendo applicatum haud improbandis. Primum enim haud inutilem nauare putauimus operam, si scriptorem praeteritae aetatis, notum perpaucis, aliqua certe nominis luce collustraremus. Quanquam enim hoc ipsum, quod inter primarios ecclesiae Graecae doctores referri non potest, in causa esse videtur, cur pluribus, quam vllus alius, obscuritatis nebulis teneretur inuolutus: tamen, quum et primus fuerit, qui Millio commemorante, b) in Euangeliarium continuo homiliarum ordine commentatus sit; et, quod ex aetate, qua vixit, facile quisque coniecerit, Patrum ante se excellentium interpretationes multum vsurparit: equidem non temere acturus mihi videbar, qui et legere eum instituerem ipse; et, qualem legens cognouerim, talem, minus etiam splendidas non reicientibus imagines, tanquam in tabula depictum ante oculos proponerem. Verissimum quidem est, neque operae semper facere pretium, qui PP. in locis Scripturarum interpret-

a) Qui plura de hoc scriptore scire cupiunt, adeant FABRICII Bibl. Gr. Vol. X. p. 231 sqq. vbi et exposita sunt breuiter, quae de vita illius certo possunt dici, et nominati viri docti, qui antea aliquid de eo prodiderant, SCORSVS ALLATIVS, CAVEVS. Breuius, sed accuratius, de eo exposuit SCHMIDVS in libro infra nominato. De codicibus, quibus vsus est, SCORSVS in animaduersionibus editioni Homiliarum Theophanis, quae, ipso auctore, Lutetiae Parif. MDCXLIV in forma maxima prodijt, adiectis et in praefatione monuit. Post hunc, et MONTEFALCONIVM, et LAMBECIVM, et LEONEM ALLATIVM, qui alios similes memorarunt, adeundus est *Celeberr. MATTHAEI*, qui in programme de *Theophane Ceramico* cIoCCCLXXXVIII. Misniae proposito, et de tribus illius codicibus enarrat, vno *Mosquensi*, *Lipsiensi* altero, tertio nunc *Dresdensi*, bibliothecae Electoralis; et animaduersiones ex Lipsiensi ad orat. XLV edit. Scorfi communis iuris fecit.

b) In prolegom. ad N. T. p. 103. In *Euangelium s. Lectionarium Evangelicum commentatus est omnium primus, quod sciam, Theophanes*. Primum dixit eum, quod huius generis homiliae e prioribus seculis ad nos non peruenerunt, vt ibi docent sequentia.



interpretandis consulant sententias, neque deesse libros, qui collectas eas complectantur: sed absoluta iam Theopanis lectione despero, minore animi fastidio idem a me potuisse aliunde repeti, quod, cum summa eius sit gratia, et facundia sane melliflua, velut e pratis herbarum florumque varietate distinctis collegisse mihi videor. Fretus igitur iudicio eorum, qui persuadent nobis, scriptorum cuiusvis ætatis ingenia nosse, fructus rem recte instituentibus largiri vberrimos, quod proposui, quanta maxima possum, diligentia exigam, atque ut iusto omnia expeditoque procedant ordine, hanc instituti rationem sequar, quam ipsa suadet materie tractandae natura. *Quum enim in homiliis Theopanis, quas excutientibus sumimus, omnis opera maximam partem versetur in eo, ut capita evangeliarum explicet, interpretationibusque suis vel adiungat sub finem, vel immisceat statim, quod vel ad dogmata confirmanda, vel ad alendam virtutem pietatemque facere existimari: libelli, quem adornamus, vidimus quidem sua sponte prodire partes quinque, sed missis duabus, tres tantum censuimus constituendas; quarum prima de interpretatione; de modo in verbis auctorum diuinorum recitandis observato altera; tertia de oratione auctoris exponeret.* Nam quæ vel disciplinam morum, vel doctrinarum fidei, quas vocant, expositionem attinent, ratio a nobis non est habita. Quodsi forte quis obicere nobis voluerit, sciat neutrum nostram admisisse breuitatem; atque et doctrinam, quæ de moribus præciperet, isto tempore ieiunam fuisse ac sterilem; et, cum ceciderit ætas Theopanis in ea tempora, quibus Patrum, Conciliorum, Damascenique sufficeret auctoritas, quod ex hoc genere commemoratio. nem singularem iure sibi exposceret, dictum ab eo esse nihil. Id tamen dedimus operam, ut, quæ deinceps ad illustrandum, quod vellemus, essent ponenda, exempla eligeremus ea, quæ utrumque cognoscere cupientem haud parum existimaremus adiuuare. Tres autem illas, quas muneris suscepti imponit ratio, partes ita conabimur exequi, ut *ex iis, quæ fufus disputauerimus, ad finem in artius contractis, eius, quem diiudicatum cupimus, vera sua sponte existat imago.*

Primum igitur, qualis interpretes fuerit, videamus. Hic vero præmonendum est, quod frequenter animaduertere licet, virorum magnorum virtutes, si fuerint excelsiores, quam ut æquiparari possent ab omnibus, eorum vitia certe solere imitatione plurimorum exprimi. Idem ergo etiam



interpretibus médii aevi, exceptis paucissimis, culpa esse tribuendum constat. Quum enim Origenes, splendidum antiquitatis Christianae lumen, triplici interpretatione scripturas sacras coepisset enarrare; neque parum allegoriis, quarum iam tum vefanus multos inuaserat amor, impendisset solertiae? doctores, qui postea exiterunt, tantum non omnes, quod difficilius, sed rectius fuerat imitari, studio interpretationis grammaticae abiecto, in eo potissimum exemplum illius sequendum statuerunt, quod faueret leuitati ingenii, et seueras interpretationis leges negligentius obseruare permetteret.^{c)} Quorum numero etsi eximendus non est Theophanes, *literalem* tamen, quem dicunt, *sensum*, non *praetermisit*. Operae pretium igitur est, videre de eo, tanquam praecipuo, primum; idque ita, *ut leges, si quas huc pertinentes habuerit, anquiramus; et ut attendamus, quomodo seruarit eas, ac quatenus potissimum difficultates effecerint, ut saepenumero a vera sententia aberraret*. Boni vero interpretis officium si praecipue continetur in eo, ut praeccepta adhibeat Grammatices; ut loquendi consulat usum; ut ad sententiam scriptoris, quem explicat, si quando est obscurior, certo attingendam; locis aliis, quibus apertiore se dedit, eum loquentem audiat; ut in partibus, ab oratione reliqua seiunctim interpretandis, ex antecedentibus et consequentibus deprimat, quae illis affundere possint lucem; ut denique illorum, de quibus legit expositum, mores atque ingenium, et quam secutos eos esse constat alias, agendi notet rationem; postremum, ut factorum, quibus inest insolentiae aliquid, causas indaget et referat; ne quidem haud frustraturum esse spem lectorum putauit, si eos in Theophane considerando, exemplis eorum, quae dixi, omnium, ex homiliis eius repetitis, paullulum huc detinerem intentos.^{d)} Itaque, ut de singulis constet, meum nunc est curare. Initium faciam ab Hom. 7. cuius argumentum sumtum est a parabola Domini, quae Lucae cap. 8. legitur, de agricola seminante. Hic in interpretando ille delatus ad effatum Ies. 6, 9. „acceperunt quidem, inquit, a Deo optima quaeque eligendi facultatem, sed prauis impe-

c) vid. *Celeberr.* SCHROECKH Hist. Eccl. P. IV. et quorum libelli ab eo sunt commendati. Quae ex *Origenis* l. IV. *περί ἀρχῶν* huc pertinent, ea excerpta reperiuntur apud ROESSLERUM in *Bibl. PP.* P. II. p. 187 sqq.

d) Haec cum scriberem, rationem me habuisse aetatis, qua vixit Theophanes, facile intelligitur.



impediti cupiditatibus, quae auribus exceperunt, ἀκούοντες αἰδητῶς, mente non intelligunt, & συνίσιν νοητῶς; et dum aperiunt corporis oculos, claudunt mentis, ὁρῶντες τοῖς σωματικοῖς ὀφθαλμοῖς τοὺς τῆς ψυχῆς ἐπιμύουσιν. Hanc vero prophetae verbis sententiam cur subiecerit, rationem addit: τὸ ἵνα ἐνταῦθα οὐκ αἰτιολογικῶς εἰρηται, ἀλλ' ἐκ τῆς ἐκβάσεως. Comparentur cum his, quae leguntur Hom. 25. εἰς τὴν τῆ δικαίου Λαζάρου ἀνάστασιν, p. 160. C. ubi negans ille, mortem Lazari ob magnitudinem potentiae diuinae, miraculo a Iesu patrato, celebrandam, euenisse, non nisi πρόφασιν, inquit, θεϊκῆς δόξης ὁ θάνατος γέγονε· τὸ γὰρ ἵνα κ. τ. λ. crebrioremque huic huius particulae usum loco Iesaiæ modo allato et Rom. 5, 20. ostendit. Aliud memoro, quod est Hom. 28. εἰς τὸ πρῶτον ἐωθινόν, p. 218. C. sqq. ubi, quam Matth. 28, 20. auxilii Iesus promissionem facit, Apostolis nunquam defuturi, ad omnem aeternitatem protrahens, notat: οὐχ (ὡς) χρονικόν τὸ ἕως παρέληπται, ἀλλ' (ὡς) αἰόριζον, additis simul ad id persuadendum locis V. pariter, ac N. T. — Hom. 9, p. 54. A. regulam, quam vtrum suo loco adhibuerit, disceptabitur postea, subiicit hanc: ἐνικῶ ἀριθμῶ saepius σημαίνεσθαι πλῆθος. Satis enim est nunc, admonuisse, Matthaeum cum Marco et Luca eum ire conciliatum, quorum ille duo perhibet in regione Gadarenorum daemones Iesu fuisse obuiam factos, hi vnum. *) *Vim articuli urget* cum alias, v. c. H. 23, p. 119. A. tum H. 55. p. 374. C. quo loco Petrum profitentem, Iesum esse Christum, filiumque Dei viui, πάντα, exclamat voce victrici aduersus Nestorium, Armeniosque sublata, μετὰ τῶ ἀρθεῖς ἐπόντα, γεγωνότερον τῆς μακαρίας ἐσίας καὶ μονοειδοῦς φύσεως δηλώσαι τὸ ἐξαίρετον. *Synonymiam seruat atque Homonymiam.* Prioris exemplum ponimus H. 18, p. 115. B. ubi vitae futurae beatitatem, imagine a rebus, quae habeantur hominibus pretiosissimae, desumpta, adumbratam esse docere volens, sollicite conquisit nomina, quibus in scriptis sacris est insignita: *alterius*

A 3

H. 25.

- e) Loquitur eiusdem homiliae ab initio de diuersa ciuitatis, ad quam illud factam esse narratur, apud Enangelistas appellatione, *Gergeſa* et *Gadara*. Duo praeterea nomino locos, Matth. 5, 1. et Luc. 8, 17. quorum inter se, quem cum multis recentioris aetatis esse opinabatur, dissensum ita tollere studuit, vt diceret, montem, quatenus non sit abruptus ac praiceps, sed circumductus in latum, planitie, cuius faciem assimilet in vertice stantibus, commode ferre nomen.



H. 25. p. 160. D. vbi pro more multiplicem loci subiecti sententiam propositurus, docet, *αδενείας* vocabulum triplici significato vsurpatum reperiri: *αδενή* enim Rom. 14. 3. *τὸν ἀπαγέα πρὸς πίσιν καὶ οἶον κλονούμενον* atque *αδένειαν* nunc esse *σωματικὴν νόσον*, vt Ioann. 11, 4: nunc *ταὺς κατὰ τῶν ἀγίων ἐπιβελὰς καὶ διωγμούς παρὰ τῶν ἐχθρῶν*, vt 2 Corinth. 12, 9. Omniino dicendum est, *usum loquendi ab eo esse consultum saepius*. Sic Hom. 8, p. 46. B. sqq. animaduertit ad Luc. 16. *diuitis* nomine appellari in literis sacris plerumque impium. Quamuis enim proborum etiam hominum in illis fiat mentio, qui omnium abundarint rerum copia, sicut Abraami, Iacobi, Iobi: eos tamen nusquam *πλουσίους* dici, sed *πολυκτήμενας καὶ πληθυνθέντας ἐν ἀνδραποδοῖς καὶ κτήνεσι*. Quod interdum vel necessitas cogit, vel suadet veram auctoris mentem sine ambagibus assequendi cupiditas, vt *plures vel eiusdem, vel aliorum, si modo eadem de re, eodemque consilio praeceperint, enunciata comparemus*: id, cum non minus euenerit Theophani, tuetur aliquantulum eum apud posteros a criminatione, quae aduersus eius, opiniones quasuis auctoribus sacris obtrudendi, libidinem suo erit tempore adferenda. Refutaturus enim ille H. 30, p. 228. A. B. temerariam nonnullorum audaciam, qui abusi erant Marci 16, 16, ad demonstrandam fidei, factorum testimonio non comprobatae, vim, suo sane loco Matthaeum cap. 28, 19. 20. excitauit, illudque Domini homines eiusmodi grauiter reprehendentis occinuit dictum: *οὐ πᾶς, ὁ λέγων μοι, Κύριε, Κύριε κ. τ. λ.* Neque vituperandus est, quod H. 46, p. 322. A. B. verba Matth. c. 8, 24. *σεισμός μέγας ἐγένετο ἐν τῇ θαλάσῃ*, ex aliis Euangelistis reddidit clariora, cum, sicut notum est, et Scorsus in Notis ad h. l. probauit, *σεισμός* Graecis esset terrae motus, atque adeo audientibus concionantem vtique posset videri *ἀπίθανον, μέσον θαλάσσης γενέσθαι σεισμόν*. Haud parum porro interest ad orationem auctoris, quem legimus, recte intelligendam, vt sciamus, *quomodo ad singula, quae dixit, deinceps venerit, suae res gestas enarret, suae proponat de iis, quae non cadunt sub sensus*. Hoc autem praeceptum, sine quo omnis interpretum labor imperfectus est, quanquam non ignorauit noster, nec neglexit penitus: tamen, quantum equidem cognoui, non tam ad rei subiectae illustrationem, quam ad virtutis pietatisque conformationem adhibuit. Quare, quum nunc id solum agatur, vt, quae leges apud illum reperiantur saniores, explicetur; et plane silentio praeteriisse, quod

huc

huc pertineret, nefas erat, et plura dicere, quae possent absolui paucis, superfluum. Vnum igitur appono exemplum, quod ex Hom. 6. *περὶ τῆς τοῦ τῆς χήρας* repetitum esto. Commemorat ibi ad Luc. 7. vnde haec pericopa decerpta est, Iesum ab vrbe Capernaum reducem esse factum, cum in ciuitatem Nain se contulisset, eumque peditem pro consuetudine inuississe, non festinantem iter; idque eo consilio, partim vt doceret, animi grauitatem non esse dedecorandam gradus incompositi praecipitantia; partim, vt certam sui persuasione[m] significatam daret, etiam sepulcro depositum a se resuscitatum iri. Quod si esset animus, laudibus exornare interpretem nostrum, maiori fortasse cum veritatis specie id faceremus nunc, cum proſtendum est, *in causis, cur aliquid sit factum, indagandis, operam eum collocasse* haud exiguam, nec raro felici comitatam successu. Certe non apparet, quid reprehendamus eum Hom. 31. *εἰς τὸ τέταρτον ἐωθινόν*, p. 233. ad Luc. 24. hoc modo philosophantem: Petri, ad monumentum Domini corpore vacuū obſuſcipientis, dubitationem inde potissimum esse exortam, quod linteamina, quibus mortuum inuoluissent, conspexisset sola; quippe quae myrrhae atque aloës tenacitate ita adhaerere soleant corpori, vt difficillima vtroꝝumque fiat distractio. Dicit hac de re aliquoties. Hom. 25. et 33. Hinc autem quod admirationem deduxit Apostoli, id non temere fecit. Namque Hom. 32. *εἰς τὸ πέμπτον ἐωθινόν*, p. 235. D. ad Luc. 24. 21. docet, discipulos aegre sibi persuasisse de Magistri in vitam reditu. Qui enim ante diem illius fatalem spem fouissent longe certissimam, fore, vt, populo Iudaico in libertatem vindicato, regnum sit constituturus his in terris amplissimum: eosdem, tertia iam a caede eius facta die, inuasisse metum, ne in putredinem abire coeperit, (pag. 236) quae, vt alibi monet, corpus humanum abhinc consumat. Haud minus probanda est *eius in moribus illorum, de quibus Euangelistae narrarunt, notandis diligentia*. Domini quidem, quem conuenerat Luc. 10. legis peritus, doctrinae illius indolem propius cognoscendi cupidus, haud inepte; quanquam loco fortasse minus opportuno *f*) animaduertit consuetudinem, *τῆ διὰ τῆς ἀντερωτήσεως πείθεν τὰς περὶ αὐτοὺς*. H. 11, p. 64.

f) Namque l. c. v. 26. prudentia Domini non in eo inest, quod interrogationem hominis, qui ipsum adierat, repulit interrogatione, vt putat Theophanes; sed quod ad leges Moſaicas eum ablegauit.



p. 64. D. — eiusdemque in calamitatibus, quibus discipuli futuri obnoxii essent, aperiendis, summam prudentiam, qua non ab initio statim necis subeundae infelicitatem, sed minorum, quae ipsis antea essent perferenda, malorum commemoratione praeparatis demum, quod omnium maxime auerfetur animus humanus, sui discidium a corpore, idque inter cruciatus non solum, sed cum ipsa nominis infamia faciendum, praedixerit. Ita enim adfuefactos paulatim eorum fuisse animos, ad gravissima quaeque imperterrite ac constanter expectanda. *ἀνὰ μὲν γὰρ εἶπεν (ὁ Κύριος) ὅτι μισηθήσεσθε, εἶτα καὶ διαχθήσεσθε, τελευταῖον δὲ, ὅτι καὶ οἱ ἀποκτενοῦντες ὑμᾶς, οὐδ' ὡς θυνεῖς, οὐδ' ὡς ἄδικοι λογιθήσονται. ἢν γὰρ τις ἴσως παραμυθία, καὶ τὸ δοῦναι ἀνεγκλήτως παθεῖν, τὸ δὲ καὶ ἀδίκως πάχοντα ὑπεύθυνον νομίζεσθαι, λίαν ἀνίαρόν.* Hom. 56, p. 383. Locus vero omnino dignus, cuius particula certe quaedam huc adscriberetur. Quibus omnia suo se iure adiungit, quod de colloquio Iesu cum muliere Samaritana instituto Hom. 38, p. 268, A. admonet, nimirum hoc: imprudentem eam ab illo, quem omnia alia putarit agere, ad altiora, animo secum reputanda, esse adductam. Femellae enim isti, inquit, hominem Iudaeum a se potum postulare, magnopere admiranti, reique tam insolentis, quatenus esset causa, curiose sciscitanti, non hoc, de quo erat interrogatus, respondit Iesus, *πλῆγίαις δὲ πῶς, καὶ ἡμέρα πρὸς τὰς ὑψηλὰς ἐννοίας ἐμβιβάζει αὐτήν.* Sic vero differente Theophanem cum nullus dubitem, quin libenter audiant omnes, addo praeterea hoc, quod aequae placeat, *ex antiquitate ab illo quoque repeti, quae interpretationem eius inuenit.* Hoc agens Hom. 10, p. 59. C. cum quaereret, cur foemina illa, quam sanguinis profluvio laborasse Evangelistae narrant, furtim accesserit ad Servatorem, nec palam, ut reliquae mulieres, quibus medelam adhibuerit alio tempore, legem appellavit Mosaicam, qua morbo isto affectarum ipse contaminabat tactus. Procul quidem abest ab agnoscenda eius opinione superstitiosa, qua vestimento Domini ipsi aliquam inesse putabat vim diuinam, sed tamen causam salutis, cuius facta est particeps, a fide illius sola repetit. Addit enim p. 60. A. milites, Iesu patientis vestes multum contrectantes manibus, nihil accepisse vitiatas. Sed redeo ad Hom. 38. in qua sermones Domini cum Samaritana ad puteum collatos enarrauit. Ipsum illorum initium recte intelligere non potest, qui ignorat, quo populi Iudaici et Samaritani ciues inuicem aduersus se affecti

affecti fuerint animo. Cuius rei cognitio quum nec facilius, neque accuratius comparetur, quam inquirenda harum similitum origine atque incremento: aptissime profecto hanc enarrationem prius instituit, quam ad ipsam pericopae progredieretur interpretationem. p. 265. sq. Cogat agmen eorum, quae haecenus recensuimus, exemplum, ex Hom. 14. desumptum, in qua, quum de Genealogia Seruatoris a Matthaeo contexta verba faciat, opportune mentionem iniicit moris apud Iudaeos recepti, gentis a prima stirpe deductae adornandi tabulas. Haec igitur sunt leges, quibus se adstrinxit Theophanes, sanae ac sobriae; praeter quas etsi sunt aliae, quas exactius adinuenit nouissima aetate exegeseos studium: tamen earum, quae in homiliis huius interpretis passim sunt adhibitae, nullam leuiter puto legenti mihi esse elapsam. Geographiae enim, cuius utitur aliquoties subsidio, exempla proferre propterea nolui, quoniam eorum, quod scitu esset dignum, reperi nullum.

Potuit vero ex iis, quae haecenus excerpimus, intelligi aliquatenus, *quomodo has ipsas, quas cognouimus seruatas ab eo, leges in usum interpretationis conuerterit.* Sed quum melioris tantum notae exempla adhuc sint producta; age, si quid secus fecerit, indicemus. Haec enim disputationis partem eo minus possumus intactam relinquere: quo magis constet, vel ab optimis aetatis nostrae interpretibus recta praecepta interdum male collocari; et quo facilius intelligitur, illud tempus, quo Theophanes vixit, ab hoc vitio non potuisse haberi liberum, cum in allegorica interpretandi ratione praecipuam laudis poneret partem. Fateor igitur, quod lectio homiliarum eius continua fateri me iubet, *perpauos ab eo ita esse explicatos script. s. locos, ut non praeceptis solum bonis, sed iisdem recte etiam usum illum esse, merito praedices.* Quod dico, quale sit, ut intelligatur commode, e multis, quae huc pertinent, pauca afferam. Verba Iesu apud Matth. 17, 20. *ἐρεῖτε τῷ ὄρει τὸ ἐξέλθω*, non inepte monet Hom. 23, p. 149. A. *δεικτικὸς* fuisse prolata, cum regio Iudaeae crebrioribus montibus attollatur. Sed quando per articulum praepositum, additumque *τὸ ἐξέλθω* significari putat, sermonem non esse *περὶ αἰῶνος τοῦ ὄρους*, sed *δαίμονις τῆς σεληνιαίης*, quod vocat: tum vero optimam regulam pessime adhibitam, quis non indignetur? Eodem consilio, ut viam sibi pararet commodiorem ad ea, quae modo retulimus, efficere vult, p. 148. per *τὸ ὄρος* in scripturis indigitari diabolium. Plures igitur recitat locos e Ieremia, Iesaja, Cantico, Abaco, epist. ad Corinthios.



Hactenus bene. Sed in horum quouis, si quaesiveris, quid' momenti insit ad probandum, quod voluit, praeter vocem eandem, inuenias nihil. Cum supra vindicaremus Theophani quoddam in dissensu Evangelistarum submouendo studium, attulimus inter alios, qui eius rei specimen exhiberent, locum Matthaei, qui agit de daemoniis Iesu benigne sanatis, cum Euangelistis reliquis in consensum ab eo adductum. Non obliti sumus, quod tum concessimus, singulari saepius numero efferi, quod est de multitudine intelligendum: sed, quod vituperatur in medicis, vnum diuersis morbis parantibus remedium, id Theophani quoque hic esse vitio vertendum, in aperto est. Neque ostendere est necesse, quod omnes norunt, in rerum, quae sunt in facto posita, enarrationibus aliorum explicandis, legem istam nullam plane habere vim; neque sentiri non potest, quam grauer erratum ab eo sit, simulac audiuntur, quibus mentem exposuit. Quoniam non multa sunt, ipsius adscribo verba: *Ἐνικῶ ἀριθμῶ πλῆθος σημαίνεται. Φαμέν γάρ, ὡς ἡλθεν ὁ θεός, σῶσαι τὸν ἄνθρωπον, καὶ τὸ ἀπολωλὸς ἐξήγησε πρόβατον, διὰ τῆς ἐνικῆς σημασίας τὴν ὅλην φύσιν τῶν ἀνθρώπων σημαίνοντες.* Quas ille enunciationes qui eiusdem ac verba Evangelica naturae existimarit, hoc vero definiendum permitto aliis.

Quod tertium est, appellemus impedimenta, quae interpretanti Theophani obstiterunt. Haec autem cum recensemus, non hoc animo habemus propositum, vt omnium ac singulorum, quibus aetas illa abundarit, agamus censum; neque vt noua aliqua, quibus ille laborarit vnus, nota reddamus; illud enim esset, acta agere; hoc, noua promittere, vbi omnia cernuntur vetusta; suscipimus potius hanc disputationem propterea, quod intelligimus, multam nobis per eam enaturam esse occasionem, accuratius cognoscendi Theophanem. Dum enim comperimus, quomodo e difficultatibus illis se expediuerit, quod pro ingenii, qua alter ab altero differt, proprietate, non omnino communi cum reliquis ratione poterat conari: indicia apprehendimus certissima, quibus, si quid habuerit insigne, obseruemus, eumque ab aliis distinguamus. Variorum vero, vt vidimus, cum in leges inquireremus interpretanti ipsi ante oculos positas, subsidiorum habuit vsum, sed eundem, vt apparebit ex iis, quae nunc excerpenda sunt, non nisi mediocrem. Quare etiam si sciebat nonnulla, quibus vera regeretur interpretatio: saepius tamen ampliorem re, qua opus erat, cum careret cognitione, suscepti officii partes parum felici-



feliciter est executus, Ex quocunque enim demum sit, illarum genere aliqua tantum nosse, non sufficit. Hinc igitur fit, ut eodem nomine et laudandus nobis veniat et vituperandus. Nunc enim, ut exemplis res in-
clarefcat, cum sciret, historiae usus est consilio; nunc, cum nesciret, eam in auxilium vocare non potuit; nunc diligenti usus loquendi obseruatione feliciter loci subiecti eruit mentem; nunc, etiamsi non minorem adhibuerit operam, frustra in eam enisus est. De his pariter, ac reliquis, quae consulto praetereo, constat, cum ingens sit rerum copia, qua instructus esse, atque uti saepius coniunctim debeat is, qui veram auctoris sententiam vbique cupiat assequi, Theophanis studium non nisi eo usque cum successu potuisse progredi, quo a rerum interpretanti sibi necessariorum scientia perduceretur. Hinc nemo mirabitur, cum docentem eum audit: *ὁμολογεῖν ἐν Χριστῷ εἶναι τῇ ἰδίᾳ δυνάμει, ἀλλὰ τῇ ἀνωθεν χάριτι βοηθούμενον τὴν ὁμολογίαν παρρησιαζέσθαι*, (H. 41, p. 289. C.) et discrimen esse statuendum inter *ὁμολογεῖν τινὰ* et *ἐν τινί*. — *ἀμαρτάνειν εἰς τὸν θρανόν* significare: *πεπαισμένον, ὡς κληρὸς αὐτοῦ ὁ θρανός, καταλιπόντα τὸτον πλημμελεῖν*. (H. 17. p. 108. B.) *calicem* Marc. 10. appellari mortem Domini, tum, quia libenter eam, tanquam poculum hulare suscepit; tum, quia per eam, tanquam per somnum in vitam rediit; *baptisma* autem, utpote purgantem nos a peccatorum labe (H. 24, p. 152. B.) *legisperitum*, qui quaesuerit a Iesu: *τίς ἐστὶ μου πλησίον*; virtutis eximiae opinione elatum indignationem prodidisse illi, existimanti, reperiri aliquem, qui perfecto legum diuinarum obsequio ipse attingeret praestantiam. H. 11, p. 66. A. Sed ad has, quas sua natura adiungas sibi habet difficultates litteras sacras interpretandi negotiorum, nec pau-
ciores, nec minores adiecit, quae tum temporis summum obtinebat fastidium demens allegorias captandi cupiditas, opinionumque, quae semel receptae erant, Patrum conciliorumque suffragiis inuiolabilis sanctitas. Haec enim, quantum retinuerit progressus exegetici studii, in quo vno Theologia liberalis, ex quibus vires sumat, habet parata, sciunt omnes, qui temporum morbo isto aegrotantium historiam retro possunt mente persequi. Illa autem mystica, allegorica, anagogica orationis biblicae explicatio ad declarandas literas sacras adeo non fecit momentum, ut easdem spifiori obtegeret velamine. De utroque nunc exponere, non est animus, s

B 2

Quod

g) Legatur SCHMIDII liber, qui inscribitur: *Anleitung zum populären Kan-*
zelvortrag, P. III. historica.



Quod enim de impotenti allegoriarum studio dicendum est, id asseruamus alii loco, cum pluribus in illud inquirendi praeuideamus necessitatem. Itaque consistamus in altero. Quemadmodum autem summo cum iure imprudens pariter ac non satis pia quorundam reprehenditur agendi ratio, qua intempestiuo nouandi incitati pruritu antiquos temere contemnant, eorumque auctoritatem omnino nullam esse volunt: ita neque aliorum laudanda videtur nimia animi religio, qua cultu sane superstitioso maiorum amplectuntur conata; ita, ut ab his, ne latum quidem, quod aiunt, discedere vnguem audeant. Habent enim hi non minus, quam qui vlla sunt opinione occupati praeiudicata, praefixum sibi ante oculos exemplum, quod constanter inspiciant, et cui, quicquid tractent, assimilent, siue sponte se accommodet ad illud, siue sit vi inflectendum. Quo modo si sentiunt ii, quibus literarum s. interpretatio est permissa, his metuendum vehementer est, ne quid detrahatur dignitatis apud eos, qui his de rebus male eruditi perniciosissimam quamque de eis animo concipiunt opinionem. Non enim efferunt eiusmodi interpretes, quod inest, sed inferunt, quod inesse velint. Aliquoties explicauit Theophanes, quid intelligeret per formulam: *Sedere ad alicuius dextram*. Constat vero, eiusdem eam, si in vniuersum spectetur, esse potestatis, cum adhibetur de Christo, quam habet alibi. Illum autem *sedere* docet dici *ad dextram Dei*, tanquam *immutabili praeditum bonitate ac benignitate*. Iam, quum Hom. 24, p. 153. D. quidquam denegatum sit Ioanni et Iacobo Marc. 10, 40. bene intellexerit: quis est, quin perspiciat, diuinam Seruatoris naturam, in fraudem verae interpretationis, menti eius esse obuersatam? In Marci enim loco, quem adscripsimus, quanquam fontem nesciit, ex quo tuto hauriret, coniectando saltim veram assecutus est sententiam. Namque hic cur non proprie acciperet hanc phrasin, cum causam reperisset in eo, quod Matth. 25, 33. pii pariter atque impii *stantes* dicerentur expectaturi iudicis, sub finem mundi, transactae his in terris vitae sententiam: per *sessionem* docet, ratione praeterea non adiecta, *honoris* temere concupiti exprimi *magnitudinem*. Ex hac igitur diuersa, quam vni eidemque formulae sine necessitate subiecit, significatione colligitur, *studium illius exegeticum haud parum fuisse impeditum cupiditate, doctrinas aliter sentientium dubitationibus vngquam perturbatas, omni tempore tuendi*. Facile fuerit, ^{h)} idem pluribus confirmare; sed quum cuique appareat, id non temere dici de eo, qui fuerit cultor PP. obser-



obleruantissimus, eorundemque laudator saepe nimius: satius esse putō, eos, quos secutus maxime sit magistros, nominare; et quanta eos coluerit reuerentia, certa, quae ipse dedit, indicia ostendendo, edocere. In multis vero illis, quorum magna est apud eum existimatio, primas detulit *Gregorio Nazianzeno*, ¹⁾ secundas *Nysseno*, ²⁾ *Basilio* tertias. ³⁾ *Eusebium*, *Epiphanium* et *Cyrillum* commemorauit rarius; *Chrysostomi*, si memini recte, non nisi semel mentionem fecit, hac, credo, de causa, quod huic *συμπαθεῖν* non posset tantum, quantum *Maximo τῷ Θεῷ*, et *Ioanni Climaco, τῷ τῆς ἀσκητικῆς κλίμακος συγγραφεῖ*, quorum doctrinam pietatemque pleno saepius laudauit ore. ⁴⁾ Ad hos igitur est redeundum, horum sunt: euoluendi libri, quoties vel diserte dicit, PP. se velle sequi doctrinam, suppressis tamen eorum nominibus; vel aliunde

B 3

de

h) H. 2. p. 12. D. et p. 13. A. Matthaei c. 18, 34. ad demonstrandam vtitur poenarum infernalium aeternitatem. Ἐπειδὴν γὰρ ἀμάρτανον, inquit, πᾶν τὸ ὀφειλόμενον ἀποτίσαι τὸν κολαζόμενον, ἀνάγκη, τὸτον αἰδίως κολάζεσθαι. Hanc vero ex loco illo vt adstrueret argumentationem, in causa erat ἡ μυσθὸς τοιοῦτον ἀποικίας, quae cum maxime stomachum illi mouerat.

i) Plurimas *Gregorii Nazianz.* exprimit sententias, quarum primariae sunt — de diabolo, qui spe praestantiae diuinae assequendae deluserit primos homines, a filio Dei, per corpus, quod assumsisset, tanquam escam; obiectum vicissim decepto; Hom. 24. p. 154. C. D. et p. 155. A. — de poena mortis benigna, quippe qua liberetur animus ab iis, quae cum animantibus brutis homo habeat communia. H. 6, p. 32. C.

k) *Nyssenum* sequitur in distinguendis vocibus: *εὐχή* et *προσευχή*. H. 16. p. 94. D. — in explicandis verbis: *Sequere me*; a Deo Mosi dictis. H. 22. p. 141. A. — in eo, quod docet, hominis perfectionem hac quidem in vita inchoari, sed absolvendam esse in futura. — Interpretationem Gen. 3. quam vnam reddunt vterque *Gregorius* de vestibus pelliceis, quibus induti a Deo dicuntur primi homines, recepit, eamque protulit praeter alios locos Hom. 11. p. 66. D. Verba sunt: τὸ μὲν βαρὺ τὸ καὶ βριδὸν ἐφθλκτον, τὸν σάρκινον θύλακον, ὃν ὡς θερμάτινόν χιτῶνα μετὰ τὴν πτώσιν ἐνεδυσάμεθα; τὸτον πάλιν διὰ θανάτου ἀποτινέμεθα.

l) *Basilium* nominat, dum adhortatur ad honorem imaginibus habitum transferendum in prototypum. Ita enim fore, vt per sensus ducantur ad pietatem. H. 20. p. 128. D. — et quae sunt reliqua.

m) *Eusebium* H. 28. p. 214. C. *Epiphanium* H. 32. p. 234. D. *Cyrillum* H. 4. p. 22. A. — Scripta *Chrysostomi*, sunt quidem haud rara vestigia, e quibus pateat, diligenter ab eo esse lecta; quippe cuius et orationis elegantiam est imitatus, et interpretationes script. s. saepe in rem suam conuertit:



de suspicio fit, sententiam, quam proposuerit, non ipsius fuisse, sed eorum, qui prius vixerint, ⁷⁾). Quorum quum tanta sit apud eum auctoritas, ut illos saepe videatur reuereri anxie; ⁸⁾) si quando diuortium fecerint sententiarum, eam prae ceteris amplectitur, quae piis cogitationibus in animo excitandis magis haberi possit idonea. ⁹⁾)

Sed

uertit: v. c. H. 31. p. 233. ad Luc. 24. coll. *Euthymii Zigabeni* Commentar. in Ioann. c. 20. v. 6. qui excerptit ibi Chrysostomum; Hom. 38. p. 268. A. coll. *Hom. Chrysostomi*, quas edidit *Celeberr. Ματθαῖ* MDCCXCII. Vol. 1. H. 2. c. 1. — et alibi: nec non sum laude eius meminit H. 17. *Περὶ τῆ σωτῆς διοῦ*, p. 101. A. sed interpretationem eiusdem, quam dederat hic parabolae Luc. 15. postponit aliis, quae maiori sagacitate quaesitae, eamque ipsam ob causam Theophanis ingenio magis erant accommodatae. — Increpat H. 24. eos, qui Marc. 10. 32. Iqq. discipulos Domini aemulationis acculent, cum ita potius sentiendum esse putet: indignatos illos fuisse Iacobō et Ioanni, quippe petentibus eiusmodi, quae consilio Magistri essent contraria. Hic quidem non nominauit Chrysostomum, sed procul dubio in mente habuit. Is enim, quantum constat, interpretum, quorum, aetate Theophanem praecedunt, opera supersunt, vnus est; quem non pudeat, hanc discipulorum imbecillitatem libere fateri. — Sed eo frequentius, *Maximum* et *Climacum* quantopere coluerit, licet videre, *De illō* vid. H. 5. p. 72. C. H. 17. p. 104. C. H. 27. p. 199. D. — *de hoc* H. 14. p. 87. H. 18. p. 94. C. — *Sacram coenam* H. 32. p. 238. B. appellat *Φρικτὰ μυστήρια*; et quidem ita, ut appareat, hoc nomen, quod *Cyrillus Hierosolymitanus* (in Catechesi V. Mystagogica) et *Chrysostomus* (in H. de Eucharistia in Encaeniis; H. 18 in poster. ad Corinth. et *περὶ ἱερωσύνης*) dederunt ritui illi in memoriam Seruatoris Optimi adhuc celebrato, nostri Homiletæ tempore in summam iam celsisse consuetudinem. Sermo enim l. c. est de discipulis Emaunticis, qui, ut ex Luca notum est, Magistrum fuisse, quicum coenarint, ex munere patrisfamilias, frangendi panes, quod in se suscepit ille, agnoscant. Quod ut transferret ad animum Theophanes, haec dicit simpliciter: ἀποκαλύπτει (scil. λόγος, filius Dei) μᾶλλον ἀντοῖς (hominibus piis) ἐν τῇ κλάσει τοῦ ἄρτου, ἐν τῇ μεταλήψει ὁμοῦ τῶν Φρικτῶν μυστηρίων.

n) v. c. H. 19. p. 123. B. vbi *Gregorii Nysseni de vita Moysi* iisdem fere vsus est verbis. Hom. 8. initium desumptum est ex orat. *Gregorii Nazianz. de Natiuitate*. Vtriusque locus adscripsit scorsus in nota 1 ad hanc hom.

o) v. c. H. 8. p. 51. C. *Gregor. Nyss.* dialog. de anima et resurrect. in explicando χάσματος vocabulo, quod separare dicitur Lazarum et diuitem magno intervallo interiecto. Non rara sunt huius rei exempla.

p) relegatur n. m.

Sed redeamus ad *difficultates*, quarum in ipso interpretandi negotio ratio inest; fidei memores datae, quam quominus adhuc praestaremus, res eiusdem argumenti, imprudentibus quasi se nobis insinuantes impedierunt. In illa igitur, qua laborabat Theophanes, inopia instrumentorum, quae veluti domestica sibi debet habere, qui recte hoc in negotio exequendo versari vult, saepius videmus illum, ubi unius absentia perturbari poterat, alterius adiutum praesentia, atque eorum omnium, quibus nos adiuvamur optime, usura denegata, ingenio certe assequi multa, quae etsi iustis non comparata praesidiis, tamen vel propter utilitatem ad auditores nihilominus redundantem; vel, quod casu interdum solet evenire, propter felicitatem, eodem, quo alios recta deducit via, quavis alia perveniendi, non dicam probanda, certe non reprehendenda austeri videntur. Quod quale sit, haud inutile fuerit, cognoscere. Hom. 30. εἰς τὸ τρίτον ἐαθινόν, p. 229. sentit necessitatem explicandi, quid sit καθεύδων ἐν δεξιᾷ τῆς Θεᾶς. Veretur enim, ne in falsam delabatur auditores opinionem, quasi ita sedeat Deus, ut spatium aliquod expleat. Unde tamen originem formula traxerit, nescit. Optimum igitur esse ratus, dissimulare animi dubitantis anxietatem, confidenti lingua mentem ad Deo dignas erigi iubet cogitationes. Verissime quidem et stare eum dici, et sedere. Sed quum impium sit, de natura praestantissima idem sentire, ac de corporibus: ita potius esse iudicandum, ut διὰ μὲν τῆς σώσεως intelligatur τὸ ἐν παντὶ ἀγαθῷ σώσιμον, διὰ δὲ τῆς καθεύδου τοῦ ἀμεταπτώτως ἐγκαθιδεῦσαι τὸ Θεόν ἐν παντὶ ἀγαθῷ, καὶ σαθρὰν ἔχειν τὴν ἐν τῷ καλῷ μονιμότητα. Hic igitur quum praesidio illo careret, quod unum poterat huic loco adhiberi recte, Θεογενῶς certe ex notione Dei interpretationem instituit; et quum a vera aberraret sententia, errori certe cavuit, ἀνθεωποπαθῶς sentiendi de Deo. Sed veram interdum, etsi fontis, ex quo rerum gnaris hauritur, aditū sibi praeccluso, attigit sententiam. Sic H. 8, p. 49. A. nescit quidem formulam: ὁ κόλπος τῆς Ἀβραάμ, e more gentium Orientalium, coenae accumbentium illustrare; sed quoniam molli in alterius quiescere gremio, imaginem praebere vidit idoneam tranquillī securique animi, haud perperam illam explicat per τὴν ἀγαθὴν κατὰ φύσιν πῆς ψυχῆς, ἐν ᾗ τοὺς δικαίους ἀναπαύει ὁ λόγος. (filius Dei).² Eadem illum prosperitas secuta est H. 9, p. 55. D. sq. in diluenda eorum obiectione, qui narrationem Evangelistarum de daemoniacis prope Gadaram a Iesu

q) vid. SVICERI Thef. eccl. Tom. II.



Iesu sanatis, in dubium vocarant propter factam porcellorum mentionem, quorum greges alere vetitum fuerit *Iudaeis*. *Putat quidem ab his habitatum fuisse urbem, sed nihilominus apte satis rem expedit.* Quum enim *Iudaea vectigalis fuerit Romanis*, consentaneum esse, credere, *gregum illorum dominium ad milites pertinuisse ibi in praesidio collocatos*, quippe qui nihil curarint, si qua ex animalibus istis terrae sanctae contraheretur immundities. *Antiquitatum Hebraicarum* cum alibi, tum H. 27. p. 200. A. *manifesto prodit ignorantiam*, cum vestem Iesu albam ab Herode indutam esse dicit, ad innocentiam illius significandam. Hic igitur quam cum vera rei latuit causa, ea certe usus est, quae plane improbari non possit, imo valere eo, ut excuses potius illum, quam vituperes. Nam cum omnino apud veteres sacer habebatur color iste, tum praecipue apud Orientales; quibus vestes albae dignitatem indicabant, et sanctitatem adeo candore nitentes.^{*)} Quum orationis esset studiosissimus, factum est, ut quam ei adhiberet diligentiam, ea uteretur ad incommoda, quae ex absentia iussorum subsidiorum orirentur, imminuenda. Explicat hoc modo H. 15, p. 88. C. nomen: ἀρχιτελώνης. Quum enim instituta Romanorum parum nosset; Zachaeum ab Evangelista appellatum ita censeret, ut foederationis iniquitatem, ob quam male ille audiebat, exprimeret. Sic enim ferre linguae consuetudinem, ut, si quis in aliqua re excellat, siue bona sit illa, siue mala, nomini, peritiam illius significanti praeponatur excellentiae, ἀρχὴς vocabulum; quo ex genere sint ἀρχιεπισκοπὴς, ἀρχιεπίσκοπος, ἀρχιεπίσκοπος.

Haec verò omnia, quae adhuc de interpretatione Theophanis grammatica dicta sunt, vltro citroque animo perpendentibus hoc sua sponte prodit iudicium: eam legibus quidem inniti satis spectatis, sed vel ob peruersum earum, quem faciebat, usum, vel propter inopiam, qua aetatis culpa premebatur, subsidiorum maxime necessariorum, nutare facillime, atque inclinare in falsum. Diligentiam assiduitatemque in eo nemo aequus desiderauerit. Ut enim veram alicuius loci sententiam aperiret, multa eum vidimus colligere, vnde sumeret, quibus uti cum fructu posset; sed eundem praeclaris illis, quibus posterae aetatis hac in re studium

^{*)} vid. CICERO de leg. l. 2. et PIERIUS VALERIANUS Hieroglyph. l. 39. c. 5. et multis locis scriptores sacri, in quibus mentionem faciunt angelorum, eius coloris vestitu hominum se oculis offerentium.

studium faciles fecit progressus, non subleuatum adminiculis frustra eniti, quo tetenderat: cum contra, ubi quodammodo carere posset recentiori apparatu, nonnulla commode obseruari. Quibus etiam si sua iam stat fides, tamen ut nihil desideretur, quod iure huc referendum videatur, finisque simul huius disputationi imponatur idoneus, *vniversa quaedam insuper addam, et quae diuturna diligentique librorum factorum lectione Theophani comparata possint exsistimari.* Ex hoc autem genere, quae reperiuntur apud eum, probatur haud dubie, quod communis iuris reddidit H. 45. p. 319. A. scilicet *scriptoribus diuinis in usu esse, homines praecipuo aliquo concitatoque occupatos affectu animantium brutorum insignire nominibus: canis quidem impudentem, mulierosum equi, lupi rapacem, fraudulentum vulpis.* Ad hoc vero obseruandum sufficiebat assidua ac diligens lectio: quae quum in aliis instruenda esset antiquitatis, historiae, rituum, opinionum, aliarumque necessarium rerum cognitione, optatum saepius non tulit fructum. Quis enim vel titronum nunc est, quin norit, *πῖσιν* apud Euangelistas varium habere significatum, nec semper tributam esse ei, cui *de diuina Iesu Christi natura* esset persuasum. *Talem vero fidem ipsi adeo centurioni Matth. 8; 10. vindicat.* Quid enim, quaerit Hom. 44. p. 310. D. fuit, quod Dominum, in aliorum calamitatibus remouendis paulo cunctantio-rem, nunc impelleret, ad auxilium puero, pro quo herus intercesse- rat, sine mora praestandum? Scilicet, respondet, quoniam ipse, qui intimum scrutatur pectus, et latentia animi perspicit cogitata, cognoue- rat,

- s) Aliud huius rei non ignobile extat documentum H. 48. p. 333. A et D. et p. 334. A. Quum enim librorum s. lectione didicisset, voce *coeli* saepius significari τὸ ὑπερβῆλλον ὕψος: quid esset Luc. 10, 18. *ἐν τῷ οὐρανῷ πίπτειν*, bene explicuit. Neque dubito, quin omnino sententiam Domini hoc loco feliciter fuerit assecutus, nisi iusto citius oculos conuertisset ad v. 20, quo factum est, ut, cum videret, Dominum a superbia cauere discipulorum animis, hoc consilium eius ad v. 18. transferret praemature. Namque opinatus sic ille, quae leguntur v. 18. ita esse pronunciata, ut discipulis a laeto, quo essent gloriati, rerum successu altos sumendi spiritus praecideretur occasio, verba notata, quatenus loquendi respexit usum, *bene*, quatenus vero errorem, qui est indicatus, commisit, *falso* circumscripsit hoc modo: *Quod daemones vos perhorrescunt, ne miremini; princeps enim eorum potestate sua excidit.*

rar, quanta esset rogantis fides, qui simulacris conspexerit, ipsum iten-
se parare, horrore quodam sacro contremuerit, metuens, *Deum exi-
pere domo*. Non minus fallus est, cum *υἱὸν τῷ Θεῷ ita semper dici ex-
istimat Iesum, ut de interna aliqua cum Patre coniunctione cogitandum
sit*. Hoc vero cum statueret, H. 49, p. 339. summis ad caelum Na-
thanaelem effert laudibus, qui adductus a Philippo ad Dominum, hunc
τῷ Θεῷ υἱὸν et βασιλέα τῷ Ἰσραὴλ appellat. His enim, inquit, duo-
bus nominibus duplicem illius distinxit naturam: *υἱὸς γὰρ κατὰ φύσιν
ὢν τῷ Θεῷ, ὡς ἄνθρωπος λέγεται λαβεῖν τὴν βασιλείαν παρὰ τῷ πα-
τρί*. En tibi normam, ad quam, ubicunque demum haec occurrisset
appellatio, interpretationem eius exigeret! Hinc ad Matth. 8. quae-
stione proposita H. 9, p. 53. D. videntur daemones filium Dei agno-
uerint, quod illos, postquam deseruissent partes diuinas, incredibile sit,
adsecutos esse suo apte ingenio? At vero, respondet, prudenti quodam so-
lerti quae id factum esse prouidentiae consilio, ut hostium quoque testimo-
nio gloriae diuinæ celebraretur magnitudo.

Sed superest aliud, de quo cum agendum sit paulo fusius, nouam
satus est, disputationem exordiri. Quin enim et leges, quibus in in-
terpretando subiecerit se passim Theophanes, et modum ostendissimus,
quod illas secutus sit: quod nostrum esse putabamus, dedimus operam,
ut quoscunque demum ille in sententiis orationis sacrae enucleandis su-
sciperet conatus, infixis quasi oculis obseruando, detegeremus causas
per quas steterit potissimum, quominus semper, quod appetiisset, conse-
queretur. De duabus dictum est; ad tertiam transeamus.



DE
THEOPHANE CERAMICO

DISPUTATIO

QVAM

AMPLISSIMI PHILOSOPHORVM ORDINIS PERMISSV

M. CAROLVS CHRISTIANVS ERNESTVS
CHARITIVS

DIEI EIVSDEM HORIS POMERIDIANIS

DEFENDET

PRAESES

SOCIO ASSVMTO

M. IOANNE CHRISTIANO GODOFR. PRAEDICOVIO

VITEMBERGENSI.

APPENDIX PARTIS I. DE STUDIO ALLEGORIARVM, PRAECIPVO
RECTAE INTERPRETATIONIS IMPEDIMENTO.

VITEMBERGAE

LITTERIS CAROLI CHRISTIANI DÜRRIL.

THE CHURCH OF THE HOLY TRINITY

CHURCH OF THE HOLY TRINITY

CHURCH OF THE HOLY TRINITY

CHURCH OF THE HOLY TRINITY

CHURCH OF THE HOLY TRINITY

CHURCH OF THE HOLY TRINITY

CHURCH OF THE HOLY TRINITY

CHURCH OF THE HOLY TRINITY

CHURCH OF THE HOLY TRINITY

CHURCH OF THE HOLY TRINITY

CHURCH OF THE HOLY TRINITY

CHURCH OF THE HOLY TRINITY

CHURCH OF THE HOLY TRINITY

CHURCH OF THE HOLY TRINITY

CHURCH OF THE HOLY TRINITY



Isti nullus fere ecclesiae veteris interpres ab hoc, in quod nunc
intendimus oculos, vitio plane reperitur immunis: qui ta-
men eorum inter Graecos maiori fuerit ei deditus studio,
quam Theophanes, aegre nominaveris alium. Quare in
immenso aliarum super alias, quas in homiliis coaceruavit, allegoria-
rum cumulo, quid mirum, si veritus ipse, ne satures veluti conviviae,
somnia se potius, quam concionanti ipsi dent auditores, saepe rationis
huius utilitatem gravitatemque demonstrandi sensit necessitatem.^{a)} Qua
de interpretatione eius tropologica et mystica, quippe abhorrente pro-
fus ab elegantiori nostrae aetatis ingenio, omitterem lubentissime enarra-
tionem, nisi mihi, qui susceperim de homiliis eius rectum ferre iudi-
cium volentibus pro virili comparare, quae huc pertinerent, timendum
esset, ne accuratis rerum aestimatoribus, hac parte disputationis prae-
termissa, propter intempestivum aliquod rei tractandae fastidium, vide-
rer officium dereliquisse. Causa enim, quae agitur, omnino postulat,
ut indicetur, qualis sit Theophanes, cum hunc interpretandi modum
init. Ut enim nihil dicam, homiletam illum esse, cui ex hac licentia
fons dicendi promanarit perennis: hoc etiam plurimum nostra interest
scire, utrum venia per corruptam aetatis indolem concessa cum ratione
quadam

^{a)} Hom, 42, p. 302, somno oppressum increpat diaconum.



quadam sit usus. Namque vitii adeo ingeniorum, quibus adhaereant, vel gratiam conciliari, vel addi deformitatem maiorem, certum est. Omnia vero, quae hoc consilio erunt dicenda, hunc in ordinem commode posse redigi existimo, ut *primum exponam rationes, quibus hanc explicandi methodum passim commendauerit in homiliis; ut memorem deinde ea, quibus, tanquam indicium, intellexisse voluerit videri, hunc vel illum scripturarum locum maiori sagacitate esse perscrutandum; porro, quod tertium sit, ut ostendere studeam, quousque fuerit haec apud illum progressa libido; denique, quantum detrimenti ceperit ab ea vera interpretatio, idoneis clarum faciam argumentis.*

Quae vero hic atque illic ita ab eo sunt proposita, ut ad excusandum eius per allegorias interpretandi studium aliquantulum certe possint valere, atque adeo ipse minus temere illud amplexus esse videatur: ex his, non quasi verius sit reliquis, quae postea proferentur, aut proprium ei, sed, quod pleniori pronunciatum est ore, primum locum sibi vindicat hoc: *placuisse sapientiae diuinæ, libros sacros ea describendos curare oratione, sub qua multiplex lateret sententia.* Quid enim si diligentius perpendas, volunt aliud, quae leguntur Hom. 17. p. 101. A. ἡ πολυτροπος τῆ θεῶ σοφία ἠδουκῆσε ποικιλοτρόπως νοεῖσθαι τῆς γραφῆς τὰ μυστήρια. et Hom. 42. p. 300. C. πολυθέωρος τῆς ἀγίας γραφῆς ἡ ἐξήγησις, οὕτω τῆ ἀγίῃ πνεύματος οικονομῶσαντος ἐν μᾶ ἤσῃ πολλὰ νοήματα περιέχεσθαι. praesertim, quum Hom. 60. p. 413. Lucam cap. 10. putet, oppiduli, in quo domicilium habebat Martha et Maria, propterea non prodidisse nomen, ut lectoribus inuestigationis solertioris faceret occasionem. Ad hanc rationem generaliore, ex qua, si vera esset, omnibus omnino script. locis haec methodus recte adhiberetur, ac, cedebat alia specialior, quae necessitatem adeo illius certis in locis amplectendae efficiebat. Nam didicerat a patribus, *multa in libris sacris occurrere, quae, nisi explicentur allegorice, repugnantiam inuoluunt.* Hom. igitur 25. qua Ioannis de Lazaro in vitam reducto narrationem executus est, sermonem Domini, per imaginem diei, solis luce collustratae, statum a periculis tutum significantis, iuxta prius ratione explanatum, noua distorquet interpretatione, *χερὶ ἡμᾶς, ita inquit, καὶ τὸ ἐνδόν κατοπτεῦσαι ἀπόβῃτον ὅτι γὰρ βαθυτέρον τι ὁ λόγος αἰνιττεται, δέκνυσθαι τὰ πρᾶγματος τὸ παράλογον.* Illud vero παράλογον, quod suspicionem mo-



uet Theophani, cernitur in eo, quod neque is, qui noctu in viam se det, pedem *necessario* allidat; neque *omnis*, qui interdum faciat iter, maneat ab hoc discrimine tutus. Eodém praetextu vsus Hom. 46. pag. 323. B. Iesum fluctus maris voce diuina sedantem, negat vndas ac ventos, quippe sensus expertes, sed genios illos transfugas obiurgasse, qui, conuiuente Deo, in perniciem rei humanae elementa ciere soleant; et Hom. 40. pag. 281. C. verba Gen. 1. 3. commemorans, πνεῦμα Θεῆ ἐπεφύετο ἐπ' ὕδω τῷ ὕδατος. *Puerile vero*, inquit, foret, credere, aquis, quibus, referente Mose, incumbabant tenebrae, inuectum fuisse Spiritum Dei, quo praesente omnem scimus dispelli caliginem. *Aquas igitur*, pergit, *pergit*, animas ille nominauit coelestes, prohibiturus, ne hebetioris gens Iudaica ingenii nomen diuinum imponderet Angelis. Hom. 45. p. 318. C et D. Seruatoris orationem excutit, qua diuites in regnum Dei difficilius dicuntur intrare, quam camelus per foramen acus. Reddendum enim iam fuit ad verbum, ne rectius videretur sensisse noster, quam res est. Prioribus bene illustratis. Quoniam, inquit, *Deus est, qui ista pronunciauit, idemque Scripturas nos iussit sagaci perquirere mente, neque oculos continere solum in iis, quae sunt ante pedes, sed ad sublimia erigere: non decet, cogitare nunc de camelo, qui contrectari potest. Nam qui literae inhaerent, terrarum pascunt, brutorum cibum, sed qui penetrant ad ea, quae animam quasi faciunt orationis, coelesti nutriuntur pane. Hic vero, si de animali esset, locutus Dominus, non ἐνκοπώτερον dixisset, quod nulla sub conditione potest fieri, sed ὡς περ ἀδύνατον κ. τ. λ.* Itaque camelum neque animal oportet intelligere, nec funem nauticum. Narrant vero, camelum animal; si quando grauius vapularit, in continua esse vltiscendi libidine eum, a quo sit laesus, donec animus eius expleatur. Pro more igitur ille consueto huic assimilauit hominem acceptae iniuriae vindictam perpetuo meditantem. Sed liceat e multis, quae superant, eius rei exemplis, addere hactenus commemoratis vnum certe, ex quo, qualis aetatis istius de moribus doctrina fuerit, simul appareat. Sermonem facit Hom. 45. p. 357. de consilio, quod homini quaerenti, quid sibi, vitam aeternam consequi volenti, praeter praecepta Mosaica, esset faciendum, dedit Dominus, immensas, quas haberet, possessiones vendendi, et pecuniam ex venditis eis acceptam distribuendi pauperibus. Quod quum ansam praebuisset Iuliano calumniandi, et, si omnes venalia haberent bona, quis tandem emiturus illa esset, interrogandi; Theophanes, vt confringeret, ipsius enim vtor



verbis, mendacii huius dentes angulari veritatis lapide, omnia, quae suppetebant, conquirit. Postquam igitur prius responderat, Iesum tanquam Deum, bene praevidisse, hanc adhortationem non nisi a paucioribus admissum iri, et discrimen aliquod esse placitorum doctrinae Christianae, quorum alia sint necessaria, alia suo cuiusque relicta arbitrio: postremum negat, haec Domini verba *σωματικῶς* solum esse accipienda; sciendum enim, admoneri nos ad vendendum, quicquid habeat animus studiorum turpium, idque impertiendum omne omni bono destitutis daemonibus: quo facto, felicitatis aeternae certissime futuri sumus participes. Praeclare autem hoc modo seculorum illorum interpretes partes agere suas existimabant, quum persuasum sibi haberent, *Iesum atque Apostolos illud praeiuisse exemplum*. Initium faciamus a *Domino*, qui Luc. 13, 15. Pharisaeos ob sanctam a se die Sabbati mulierem indignatos interrogat, vtrum eadem religione occupati taurum aut asinum siti potius consumi sint passuri, quam abducluri ad puteum? ^{b)} Hic vero putat Theophanes, docere illum, quid postulet lex, ac suadere, vt per litteram accedamus ad spiritum. Multas eo consilio ipse recenset leges a Mose latas, quas, quum seruare possit nemo, si quis nihilominus *σωματικῶς* explicet, id vero eum dicit magno suo facere damno, et τῇ τῆ νόμῳ κατὰρ γίνεσθαι ὑπέδικον. Hom. 12, p. 72. C et D. Haud multis verbis post (p. 73. C.) *Paulum* quoque huius disciplinae propositum sibi fuisse innuit magistrum, qui boum nomine non huic animalium generi, sed Apostolis putarit legem prospexisse. Negare enim eum 1 Cor. 9, 9. *περὶ βοῶν μέλειν τῷ Θεῷ*. Sed omnium maxime *Ioannes* ex opinione eius illud allegoriae studium commendatum voluit: quod obseruandi occasionem ei suppeditabat solito maior, quam deprehendisse sibi videbatur cap. 11, 1. in nominibus appellandis, Euangelistae diligentia. Quod enim hic praeter morem vicum, aegrotum, consanguineos, sua quemque distinxerit appellatione: id censet non in hunc solum ab eo factum esse finem, vt discrimen a Lazaro, de quo per parab-

b) Eodem Iesum consilio *parabolarum* dicit usum esse inuolucris Hom. 2. p. 8. D. *προσευτικωτέρους ἡμᾶς διὰ τέτων ποιεῖν πρὸς τὴν τῶν γραφῶν κατανόησιν, προτρεπόμενος μὴ πάντῃ προσέχειν τῷ γράμματι, ἀλλὰ καὶ τὰ τῆς παλαιᾶς ἀνίγναι εἰς πνευματικὰ μεταγιν νοήματα*. Idem *Chrysost.* T. VII. p. 470. C. affirmat.

rabolam loquitur Dominus apud Lucam, statueret, sed multo potius, ut, quemadmodum ipse alibi, (v. c. in enarrationibus de ciue Samaritana, et coeco homine) a rebus humilibus in sublimius mente erexerit lectores, ita iidem nunc proprio conamine relationem historicam ad animum transferrent. Hom. 25, p. 159 A. His vero rationibus, quibus mira illa, auctores sacros tractandi ratio inde a primis ecclesiae Christianae seculis innixa est, diffidendum esse, istius aetatis homines ne cogitabant quidem, quum summa PP. apud illos esset auctoritas. Theophani quinam et quanto fuerint in pretio, cum cura indicauimus p. 13. neque opus est, ostendere, quantam habuerit vim horum imitatio ad omnem illius interpretandi rationem conformandam. Satis est de prioribus, de quibus difficilior fuerit hoc existimare, manifesta ostendisse documenta, e quibus intelligatur, ne hos quidem adeo fuisse nudos, ut, quod ab illis acciperet, non haberent. Hom. 1. statim, *εἰς τὴν ἀρχὴν τῆς Ἰνδίκης, ἢ τῆς γέως ἑτοῦς*, p. 2. B. excitat animum ad telas allegoriarum nectendas *Μακρίμι* auctoritate: *ἄλλα ταῦτά μὲν, οἷον σᾶμά ἐστι τῷ λόγῳ τῆς ἐορτῆς, κατὰ τὸν ἱερὸν Φάναι Μάξιμον. Φέρε οὖν, καὶ ταῖς ἐνδοθεν θεωρίαις τῶτον ψυχάσωμεν.* et Hom. 53, p. 361. D. *ἡμᾶς ὁ σοφὸς ἐδίδαξε Μάξιμος, καὶ ἐκ τῶν στοιχείων τῶν ὀνομάτων, ἐκ τε τοῦ ἀριθμοῦ αὐτῶν πρὸς ὑψηλότερας ἐννοίας ἀνάγεσθαι.* *Ἰωάννης Climaci* ineptias quam parum contemserit, praeter alia, quae in eius laudem plena effudit manu, haec vox manifesto declarat, qua Hom. 45. ad Matth. 19, 21. eius ἐν τούτῳ τῷ ρητῷ νοηθὲν ἄξιόν καὶ μάλα πρόσφορον praedicat, nempe hoc: *ὑπάγε, πώλησόν σου τὰ θελήματα τοῖς προεσῶσι καθηγηταῖς, πτωχοῖς οὖσι τῷ πνεύματι.* Postquam igitur cognouimus, quid maxime impulerit Theophanem ad suscipiendum allegoricae interpretationis studium: intelleximus quidem, non temere ab eo esse actum: iidem tamen, nisi laudandi cupiditas animi impedit aequabilitatem, fateamur, oportet, moribus antiquitatis honore confirmatis obsequiosum illum se praebuisse cultorem. Sufficiebat vero istius aetatis homini, ad hanc literas sacras vsurpandi rationem et suo studio in eundam et commendandam aliis exemplum maiorum, et compositum ad illud ingenium seculi. Quod igitur a nemine, liberius iudicare adfuefacto, expectes, ut soli immorari literae, pusilli censeat, parumque eruditi animi; in sententias orationem (loci subiecti) inflectere magnificas, praestabilius putet: id affirmatum legentibus Hom. 41. p. 292 A.



inopinatum offerri non potest. ^{c)} Sed quanquam in pertractandis scriptorum diuinorum operibus animum semper paratum habere iubet ad sententiam variam piamque e simplicis planaеque orationis quasi visceribus eruendam; difficillimi tamen rem aestimat negotii, ab historia ad contemplationem facere gradum, aut putaminibus quasi resectis occultam intus patefacere sapientiam. Hoc enim non nisi iis contingere, quos omni macula pueros, virtutisque exornatos decore dignos repererit Spiritus s. quos illustraret fulgore suo; quare sibi, luto peccatorum conspurcato, proferre tantum licere mediocria. Sed fortasse, quem sacpiissime imitatus est, *Gregorii Nysseni de vita Moysi* ei placebat modestia, qui simili modo altiori anagogiae imparem se esse lamentatur. ^{d)}

Eiusmodi autem interpretandi consuetudinem, etsi sua natura patet, non posse certis stabilitam esse praeceptis; tamen rem leuiter consideranti metuendum est, ne persuadeatur aliud. Legentibus quidem homilias Theophanis animaduertuntur quaedam, quibus primum excitatur opinio, non temerario aliquo arbitrio ex hoc vel illo loco allegoriam esse suspensam. Interdum enim *indiciis quibusdam inductum se ait, ut grammatica interpretatione vel abstineret plane; vel adhibita ignorantia illa, exquisitiorem nihilominus tentaret.* Nostra quidem aetate, quicumque demum locos scripturarum mox nominandos inspexerit, quod nouum atque insolitum existimet, in iis deteget nihil: sed doctores ecclesiae antiquiores, ad eosdem, a quibus celeri expeditoque nunc recedimus pede, dubios haesisse atque admirabundos, ab initio non

c) Monendum hic est, eum, quem Celeberr. SCHROECKHIUS Hist. Eccl. P. IV. p. 91. in Origene reprehendit, per multa deinceps secula propagatum esse errorem, quo neglexerunt discrimen inter *sensum orationis figuratae proprium atque improprium.*

d) Si quis hic *Origenis* potius expressum putet exemplum, neminem habebit aduersantem. Constat enim, illum variae fortunae virum, quamuis non existimatus sit *ὁρθόδοξος* satis, imitatores tamen fautoresque nactum esse quam plurimos. *Gregorium* certe *Nazianzenum*, eiusque aequalem *Basilium* fauisse doctrinae Origenianae, eamque defendisse aduersus Arianos, auctor est SOCRATES in Hist. Eccl. L. IV. c. 16.

non tam indignamur, quam potius, tanquam laeto accepto omine, sperare incipimus, illius interpretis, quem certas prius notas requirere videamus, quam ad allegorias conuertatur, minus effrenatam fore huius methodi exercendae licentiam. Hanc vero spem quis non concipiat, quum Hom. 49, p. 340. ita differentem eum audiat: communem esse fidem, Angelos aut in coelis versari, aut super coelos, atque ex his sedibus suis, si quando mandata diuina sint exequenda, inter homines demitti in terras. Itaque cum Ioh. 1, 52. de Angelis sic locutus sit Iesus, ut prius de ascensu illorum et post hunc de descensu commemoraret: quaerendum esse, quomodo ascendant, qui non descenderint? mentem esse componendam *προς εννοίας ἰσχύας*, atque indagandum *τὸ δόγμα τὸ κεκρυμμένον ἐν τῷ ῥήματι*. Quis spem conceptam non confirmet, si forte ex eo, quod Hom. 17. p. 102. A. pronunciauit fieri posse, ut non totum parabolae contextum allegoriae conueniat, conclusionem adstruxerit, illum eadem iudicii libertate usum intellexisse. Similia, quod dicunt, non esse ad viuum rescanda; atque huic legi obtemperantem, a plurimis, quibus alii, secus existimantes, irretiti fuerint, erroribus se seruasse liberrum. Sed alia omnia. *Notae enim illae ipsae, quibus non nunquam agnosce se dicit, mentem scriptoris sacri simplicis interpretationis ope non posse proferri in lucem, ita sunt communes ac vulgares, ut volenti animaduertantur ubique;* et vel paullulum continuata lectio satis superque docet, nihil plane verbis istius speciosis esse tribuendum. Hom. 1. festum tabernaculorum praesignificationem sustinuisse resurrectionis, hoc argumento persuadet, quod haec non minus, quam illud, secundum

1 Cor. 15, 52. inter tubarum cantus sit futura solemnis. Laudat *ἀγγελίας* Matthaei H. 2, pag. 11. C. quod ad iniquitatem serui significandam, de quo cap. 18. fit sermo, apposuerit v. 28. *ἐξελθάν*, quippe quod verbum eo valeat, ut perspiciatur, fines aequitatis et iustitiae illum migrasse. *E nominibus propriis singulares prorsus, et quas, nemine inuidente, sua demum sagacitate excitas fuerit gloriatus, deducit opinionis;* v. c. in Galilaea primos circa se congregasse Iesum discipulos, ut cogitandi nobis praebere occasionem, ab instabili hac vita, perpetuaque fortunae vicissitudine illos a se esse delectos. Galilaeam enim interpretandam esse *κατακλιτήν*. Hom. 5, p. 28. B. Eodem modo Genneth in hortos immutat daemumum, Hom. 5; p. 29. A. Praetereo reliqua, quae in lufum conuertit, nomina: Zacchaei, quod victorem pec-



catorum, Hom. 15, p. 90. D. Capernaum, quod reconciliationis interpretatur oppidum, H. 21, p. 136. B. Ierichóntis, quod descensum reddit, H. 15, pag. 89. B. Ex his vero, inter quae, quamvis pauca, sunt, quibus falsos subiecerit significatus, aliisque, quae taedet afferre, nominibus, quamlibet in partem distortis, orationi admiscuntur multa, quae, quomodo cum re proposita cohaereant, quaerere non nisi is sustinebit, qui ignorat, hanc explicandi rationem exlegem plane esse atque arbitrariam. Patitur enim illa, ut, quicquid placuerit, in medium proferas. Sic Hom. 11, p. 67. C. animadvertere iubet, Luc. 10, 31. scriptum esse ἀντιπαρῆλθε, nec solum παρῆλθεν. Admoneri nimirum homines, se, quum legem praeteriissent, perperam agendo, ab ea vicissim esse praeteritos. Quae quum ita sint, quid non speremus metuumus, ab artifice adeo solerti? *Fata certe Domini nostri, et doctrinae ab eo propositae, societatisque, propter receptam illam nomine ipsius insignitae, laeta tristitia quin accuratissime inuenerit praesignata in rerum Israeliticarum historia, dubitaturum esse credo neminem.**) Vident enim omnes, si qua alia, hanc theologiae partem prae reliquis mirifice lusibus inseruire atque argutiis. Nec defuerunt inde a primis fere ecclesiae initiis, qui hoc crimine se facerent reos: horum vero vlli vtrum cedat Theophanes, diuidicent, qui volunt, ex Hom. 3. εἰς τὴν ὑψωσιν τοῦ τριπλοῦ καὶ ζωοποιῶν σταυροῦ, in qua experiri videtur voluisse, vtrum, quicquid de cruce typorum ante se esset exquisitum, congerere, eorumque numerum nouis suomet ingenio procreatis posset augere. Adeo sine discrimine probabiliora improbabilia miscuit! Quod non mirum in homine, qui *rerum necessitudinem e similitudine nominum diuinat, et quum haec abest, abscondita numerorum scientia valet.* H. 10, p. 63. A. Incredibile foret, in sententiis, quae plane non inessent, e scriptorum sacrorum oratione extor-

- *) Sic duodecim Apostolos praefigurarunt Patriarchae; et septuaginta, quos praeter illos habuit Dominus, discipulos, viri, quos Moyses, litium a se disceptandarum numero aucto, collegas adsciuit totidem. H. 48. pag. 330. Agnum paschalem Moyses vespere ad lucernas accensas manducari praecepit coenam sacram significaturus, a Domino, vergente die, institutam; H. 15, p. 78. A. Arborem vitae in descriptione Paradisi idem appellauit ἔϋλον ζωῆς, stipitem praeuidentem animo, ex quo suspendendus esset Iesus. H. 4, p. 20. A. etc. Cf. *Euthym.* ad Luc. 10, 1. et *Origenes*, rerum tam lepidarum auctor ad Exod. 15, 27. Tom. II. edit. Delarue.

extorquendis, praecipuam illi, laudis dicam, an voluptatis, nescio, positam fuisse partem; nisi exempla hanc in rem abunde commemorata fidem facerent. Sed, *quod multo maximum est, etsi intelligit ipse adeo, interpretationem se dedisse aliquanto contortiozem et coactam: nihilo tamen minus eam retinet, causa inductus nulla alia, nisi quod cum maxime visa fuerit commoda.* Parabolam, quam de filio prodigo narrat Lucas c. 15. ipse praedicat, a Chrysostomo accurate esse explicatam: sed, quoniam cupiebat interpretationem ingenio suo aptiorem, ad alios se conuertit Patres. Itaque, quo filio dixerat ille depictos esse iustos, hic angelos; quo ille iniustos, hic homines. Fatetur, allegoriam suam ita esse comparatam, ut a reprehensionis nota non sit munita satis: cur acquiescat autem in ea, satis solatii reperit in eo, quod *si vel maxime fabulae alicuius pars tropologiam non admittat, ea tamen nullo modo penitus hanc ob causam sit intermittenda.* Sed quamvis frequentissimus sit huius methodi Theophani usus, tamen *vehementer errauerit, qui putet, quae per eam elicerit, ita ab eo esse proposita, ut in dubium vocare illa, nefarium duxerit.* Ne igitur iniuriam faciamus illi, duo caueant loci, ex quibus, quid recte sentiat, optime perspicitur. Hom. quidem 45. p. 249. D. Thomam ait nomen habuisse moribus conveniens. Illud enim et ἀβυσσος significare et διδυμων ipsum autem dubitasse de abyssu resurrectionis. *Typis quid tribuerit, suis ipse doceat verbis* Hom. 36. p. 254. B. Ibi enim ex numero piscium a Petro, retibus, iubente Domino, in undas proiectis, ad centum et quinquaginta tres captorum, quum plures elienisset veluti neruos, quibus miranda illius capturae felicitas arte cohaereret cum prospero rei Christianae successu, per magnam, qui Christo nomen darent, sensim accedentium multitudinem brevi tempore insigniter auctae: e Patriarcharum insuper memoria, quo angustior existeret argumenti propositi species, nuptias repetit ab Abraamo per rei familiaris procuratorem filio cum Rebecca conciliatas. Puella enim ista, inquit, quum ad puteum conuenta sit primum, ecclesiae praebeuit imaginem, per sacrum lauacri ritum Christo desponsatae; et literae, quibus efficitur mulieris nomen, ad calculos reuocatae, eundem colliguntur in numerum, quem piscium sagena protractorum fuisse, huius rei auctores narrant. Copiosam igitur, sic enim insert, quam fecit Petrus, pisciam capturam, cultorum Christi praesignificasse multitudinem, li-
cet



cet e Rebeccae discere historia; addito tamen simul hoc: *εἰ μὴ πῶ δέξω περιεργότερος.*

E quibus quanquam certum est, haud adeo magnum talibus ingenii luxuriantis foetibus a Theophanē statutum fuisse pretium; tamen amor, quo amplectebatur illos, quum firmiter insedisset animo, eum non minus reddidit miserum, quam reliquos *allegoricae interpretationis* fautores. *Illā enim non potest non perniciosissimam habere vim in uniuersas partes theologiae*, cum, ex quo vnice haec est deriuanda, librorum s. fontem non turbet solum, sed corrumpat penitus, et graue interpretationis negotium rem faciat ludicram, pueris magis quam uiris suscipiendam. Quod quum videret Lutherus, recti vir iudicii, eiusque socii, in emendanda literarum sacrarum disciplina pari cum illo laude versati, e nostrae quidem ecclesiae finibus illa est exterminata, nec, quod conati subinde sunt nonnulli, resistentibus pluribus, ad hunc vsque diem reuocari potuit. Nam quum, si qua alia eruditorum occupatio, haec, quae in mente Scripturarum s. versatur explananda, indigeat omnium maxime certo legum moderamine: ipsi praeter *impotentem* illam *licentiam*, ac *nulla patientem vincula*, quid possit pestilentius obueneri inter omnia, quae veritati vnquam offecerunt, impediimenta? *Facit enim illa, ut verbis auctoris sententia non subiiciatur ea, quae debet, sed quae cum maxime videtur utilis.* Quocum *licentiae summae malo*, quod, quantum sit, nemo ignorat, *mira se consociat coniunctione aliud plane contrarium, putida, iustoque maior in rebus minutis inquirendis diligentia.* Ad haec duo enim redit, quicquid accipit damni ex hac peruersa methodo verae interpretationis studium. Incipiamus a priori. Exserit autem se modis illud innumeris; quorum nunc sufficit, quos in homiliis Theophanis deprehendimus, indicare prae ceteris memoratu dignos. Quae igitur primo loco est vituperanda, *eius in causis, quas adfert, rerum spectandis negligentia reperitur saepius tanta, ut, quae primum in mentem venerit, eam venditet pro vera.* Ex libris quidem V. T. Onanem dicit ex Thamare vxore propterea noluisse procreare liberos, ne doloribus puerperii eius corrumpetur venustas. Hom. 12, p. 84. Ex N. T. autem historia, ut ab eo, qui princeps illius est, Domino ipso exemplum repetam, hunc quidem

quidem ad lacrimas de mortuo Lazaro effundendas quatuor impulsus
causis existimat, quarum ne vna quidem diligentius spectantis probe-
tur iudicio. Scilicet illacrumatum eum esse perhibet, vt eandem se ha-
bere ostenderet naturam, quae est nostra, modumque praescriberet lu-
ctus defunctorum causa suscipiendi; vt miseram deleret conditionem
generis humani peccato corrupti, quod morte haberet opus ad animum
materiae mole liberandum; vt duritiem deploraret Iudaeorum, quos
praecuidisset miraculi tanti insolentia ad animum non emendandum, sed
vehementiori inuidia aduersus ipsum incendendum iri commotum; de-
nique, vt ostenderet aegritudinem animi, qua accederet ad Lazarum sui
honoris causa in vitam turbulentam reuocandum e morte, quae, Salo-
mone teste, piis eueniat exoptatissima. H. 25. p. 168 sq. In hac igi-
tur non minus, quam in illa de Onanis flagitio enarratione, si falsas pro-
tulit causas, ex quibus neutrius rei originem repetendam esse appareat;
quid tandem impediuit, quominus, quae incurrerent in oculos, vide-
ret, nisi, *quae ex allegorice interpretandi studio adhaeserat, consuetudo,*
vt multa dicerentur, proferendi etiam ea, quae vel longissime a re abessent.
Aliud vitium, illo non leuius, eodemque profectum a fonte, hoc est,
quod *fictam, qua Dominus saepius utitur ad erudiendum populum, ora-*
tionem haud aliter explicat, quam res in facto positas. Vnum appello,
quod H. 2, pag. 11. D. obuenit, exemplum, vbi, qui memorantur
Matth. 18. σύνδουλοι, hos angelos dicit esse coelestes, quippe συνδού-
λους κατὰ τὸν τῆς δημιουργίας λόγον ὑπάρχοντας, καὶ τῶν πρεσβύτερων
ἡμῶν τηρητάς. Quemadmodum enim illi summam capiant laetitiam,
peccatore redeunte ad frugem: ita eosdem magno affici dolore, nobis
in vitia delabentibus. Τους βασιανιστάς autem esse angelos malos, qui-
bus pro dura officii, quod illis tribuit, ratione, haud inepte misericor-
diae abnegat sensum. Vni eidemque orationis parti nunquam plures sub-
esse sententias, adeo est perspicuum, vt sana quemque id edoceat ratio.
Hanc vero, quae inde enascitur, legem tanquam molestanti sibi respuunt,
qui non contenti fructu, quem librorum s. lectio praebet, communi pa-
ratoque omnibus, coelestiorem illum desiderant, quem Spiritus s. mul-
tiplicem, vt aiunt, quanquam sub literarum velamine absconditum, re-
posuit. Quidni vero etiam consequantur isti, quod cupiunt, qui ne-
glecto orationis nexu, consilio auctoris, proprietate verborum, atque



omnino legum, quibus accurati interpretes lubenter obtemperant, sanctitate contempta, vnam, satius habeant, arripere voculam, cui subiiciant significatum, quocunque demum ex loco arcessitum, si modo opinioni faueat, quam in praesentia volunt probatam? Quod qui in Theophrasti hominibus suis vult usurpare oculis, numeret, ubi animaduernerit, proprie illum explicare, quoties *τάχα*, nouae interpretationis indicium occurrat. Sic autem conformato ipsius ingenio, quod alius, eiusmodi concoquere non aduersus, facile mouerit stomachum, *ipse quidem eadem in parabola vni diuersas imponere personas non dubitat*. Sic Matth. 22. et serui, conuocantis conuiuas, et heri, coenae instruendae praebentis sumtus, partes, magnopere dispares sine offensione filio tribuit Dei, causis alias verissimis, ab hoc autem loco alienissimis usus: eum neque humanam dedignatum esse induere formam, et ad se vocasse (Matth. 11, 28) omnes, qui recreatione indigerent. Repetendum hic est, quod alibi fuit monendum, *illum inter imagines versari solitum, quas mysticorum fingit solertia, rerum quotidianarum mediocritate superiores, summa petiisse etiam hic, ubi veritati conueniebat, inferiore subsistere gradu*. Sed veniamus ad alterum damni genus, quod allegorias captandi studium rectae interpretationi infert; et paucis, exemplo Theophrasti, nobis persuadeamus, *leuitati, de qua adhuc vidimus, contra omnium opinionem arcto copulatam esse vinculo nimiam in interpretando diligentiam*. Hic vero largissima foret dicendi materia. Quicquid enim cura male sedula et prope anxiosa in suas trahere solet partes, id omne propemodum etiam tum adhibuit Theophrastes, cum accurati interpretis videtur fungi voluisse officio. *Singula urget verba, eorumque etymologiam, atque ex hac causas adeo deducit, cur aliquid sit factum; similia omnes distrahit in partes, ita, ut vel ea ad rem referat, quae ornamentum solum causa sunt adiecta: ut alia taceam, quae legenti non minus, quam referenti pariant, necesse est, molestiam*. Hom. 7. p. 40. C. nuga-



nugatur, *Iesum* Luc. 8, 5. propterea dixisse, dispergi ab *agricola* semen αὐτῷ, quoniam ipse fuerit *agricola* ille, idemque, λόγος αὐτῷ Θεῷ ἐνυπόστατος, a nemine alio doctrinae suae semen sit mutuatus. Hom. 9. pag. 54. B. illam daemonum multitudinem, qua Marc. 5, 8. Gadareus se teneri querebatur obsessum, λεγεῶνας appellari nomine, arguitur, hac de causa, quod crudelitate ac malitia reliquos longe superarit. λεγεῶν enim, addit, ἡ ἐπίλεκτος λέγεται στρατιά. Querit Hom. 28. pag. 214, et 215. cur Iesus, factus a morte redux, in Galilaea potissimum elegerit montem, in quo conueniret discipulos. Celebrioribus igitur montibus enumeratis, et quid obsisterit, quominus isti hoc honore macarentur ab illo, coniecturis multifariam propositis, montem Galilaeae docet et habuisse in se, et accepisse a loco dignitatem, quae eum prae caeteris idoneum reddiderit, ad Dominum, qui mox in coelos fuisset abiturus, recipiendum. Dicendum tantum de altero: prius enim eodem iure de quolibet colle praedicare poterat. Galilaeam igitur, ut saepius, hic quoque monet, nomen habere significans mundum, perpetuis agitatum vicissitudinibus, ex quo iam ille parauerit abitum. Quod ad parabolas denique attinet, in N. T. propositas, constat de eis non minus, quam de reliquis eiusmodi orationis formis, ea, quas fabulae exornandae inseruiant, ad rem ipsam, quae significatur, parum, et saepe nihil habere momenti. f) Hanc vero, quae

E 2

oritur

f) Eustathius Comm. in Hom. Iliad λ. p. 856. v. 44. ed. Rom. ὃ πάσα παραβολή ὅλη διόλκω κολλᾷται τῷ πράγματι, ἀλλ' ἐστίν, ὅτε καὶ τίνα ἔχει ἀνόμοια, ὧν ἀμελητέον, ἐπιλεγομένους μόνα τὰ ὅμοια. Idem multos monuisse ex ecclesiae veteris DD. ait Petavius Dogmat. Theol. Tom. I. Lib. 7. c. 11. §. 4. pag. 305. 306. sed neminem nominat. Sunt vero praecipue hic legendi Chrysostomus, Theophylactus atque Euthymius. Chrysostomus quidem Hom. 64. in Matth. habet ita: ὃ χρη πάντα τὰ ἐν ταῖς παραβολαῖς κατὰ λέξιν περιεργάζεσθαι· ἀλλὰ τὸν σκοπὸν μαθόντας, δι' ὃν συνετέθη, τοῦτον δρέπε-

oritur inde, quum nemo, si
 non sequatur legem; eiusdem
 p. 10. in explicando loco. M
 rationem habente: huius viti
 renda est in consuetudine,
 usum contracta, vel minima q
 quo grauiissima, studio amplecti

ὁρέεσθαι, καὶ μηδὲν πολὺ
 coll. p. 487. E. Theophylact
 cap. 16. περὶ τοῦ οἰκονόμου
 v. 39. et Lucae cap. 16. v.
 quod alter eadem eius ver
 gifti. — Nec pauca, qua
 summe Ven. MORI libellu
 interpretatio nitatur. Lip



nemo, si vel maxime artis sit imperitus, sua sponte
em; eiusdem si fuit immemor Theophanes, vt H. 2,
ndo loco Matth. 18. de creditore cum obaeratis sibi
: huius vitii causa haud, minus, quam priorum, quae-
suetudine, per crebriorem allegoricae interpretationis
vel minima quaeque circumspiciendi curiose, atque eodem,
udio amplectendi.

μηδὲν πολυπραγμονεῖν περαιτέρω. Tom. VII. pag. 638. E.
Theophylactum vide in Euang. pag. 453. C. sqq. ad Lucae
τοῦ οἰκονόμου τῆς ἐδδικίας. Euthymium in Matth. cap. 13.
ae cap. 16. v. 5. Duo posteriores hauserunt e Chrysostomo,
idem eius verba repetendo docet, alter addendo nomen ma-
e pauca, quae hanc in rem cum fructu comparentur, continet
MORI libellus, quo ostenditur, quibus causis allegoriarum
nitatur. Lips. 1781.

